

# KPSSU miliki makmal Neptune Bio-Inovasi

**BANDAR SERI BEGAWAN**, Rabu, 27 Mei. - Kementerian Perindustrian dan Sumber-Sumber Utama (KPSSU) kini memiliki sebuah makmal yang dinamakan Neptune Bio-Inovasi.

Majlis penyerahan makmal tersebut berlangsung di tapak KPSSU di Kampung Sinaut.

Lembaga Kemajuan Ekonomi Brunei (LKEB) menyerahkan makmal itu kepada KPSSU yang ditetapkan sebagai makmal kimia.

Pada majlis tersebut, Timbalan Setiausaha Tetap KPSSU, Dayang Hajah Hasnah binti Ibrahim mewakili KPSSU menerima gambar berbingkai dari Pemangku Ketua Pegawai Eksekutif LKEB, Dayang Hajah Hasnah binti Haji Ibrahim.

Turut hadir pada majlis tersebut termasuk pegawai-pegawai daripada LKEB dan Neptune Bio-Inovasi.

Neptune Bio-Inovasi, sebuah syarikat dari Australia, adalah salah

satu syarikat yang disokong oleh Skim Insentif Penyelidikan Brunei (BRISc). BRISc telah dilaksanakan sejak 2012 untuk menggalakkan syarikat tempatan dan antarabangsa menjalankan aktiviti-aktiviti penyelidikan dan pembangunan (R & D) di negara ini.

Ketika ini BRISc membiayai tiga projek penyelidikan dan pembangunan, iaitu dalam vitro pembiakan tumbuhan perubatan untuk

penyediaan perubatan - penanaman, pengestrakan dan pengeluaran ubat-ubatan herba dari kawasan Borneo untuk ubat-ubatan dan aplikasi makanan, Rennet Halal - Pembangunan rennet halal diperoleh daripada ekstrak tumbuhan yang sesuai untuk dada dan pembuatan yogurt dan fungsi pemakanan - reka bentuk dan membangunkan sistem penghantaran novel bagi produk makanan dan farmaseutikal.

KPSSU sebagai kerjasama rakan kongsi untuk semua tiga projek telah menyediakan dana untuk membiakan pulih kerja-kerja di makmal sedia ada untuk Neptune Bio-Inovasi.

Skop kerja untuk makmal ini penambahan dan perubahan kerja-kerja untuk makmal baru ditubuhkan, membekal, menghantar dan pemasangan kelengkapan makmal berkaitan dan aksesori, dan bekalan tenaga kerja, alat dan peralatan. Makmal ini yang menelan belanja kira-kira BND500,000 telah dibina dalam tempoh tiga bulan bermula dari bulan November 2014 hingga Februari 2015 oleh Azra Sdn. Bhd.

Neptune Bio-Inovasi adalah berbasaskan Penyelidikan & Pembangunan Sains syarikat Australia yang ditubuhkan pada tahun 2008

dengan memberi tumpuan kepada industri kesihatan makanan.

Pada masa ini, syarikat itu menjalankan penyelidikan dalam suplemen makanan kesihatan, dengan pelbagai produk yang termasuk alternatif kalori gula rendah, garam sodium yang rendah, dan lain-lain produk makanan tambahan kesihatan.

Penyelidikan dibangunkan untuk semua tiga projek menghasilkan produk halal tempatan Brunei Darussalam yang berasaskan ubat-ubatan herba tempatan dan ubat-ubatan yang akan mencipta rangkaian produk kesihatan yang diproses dari rantau Borneo.

Sehingga kini, Neptune Bio-Inovasi telah mengambil pekerja tujuh orang anak tempatan termasuk tiga Ahli Kimia, tiga Juruteknik Makmal dan seorang Pembantu Tadbir.

Beberapa pekerja tempatan dari Neptune Bio-Inovasi telah diberi peluang untuk menjalani latihan di Australia.

Salah satu daripada graduan tempatan pertama yang dihantar ke Australia adalah Harris Jamaluddin pada tahun 2014 dan beliau akan dihantar semula ke Australia untuk mengambil latihan lanjut dalam bulan Oktober 2015.

## Mengurangkan pengangguran melalui keusahawanan



**BENGGEL** Keusahawanan anjuran Jawatankuasa ADHOC Alumni Universiti Islam Sultan Sharif Ali (UNISSA) dan Unit Perkhidmatan Kaunseling dan Bimbingan Kerjaya, Bahagian Hal Ehwal Pelajar UNISSA.

**BANDAR SERI BEGAWAN**, Isnin, 25 Mei. - Dalam usaha untuk meningkatkan kemahiran dalam bidang keusahawanan, Jawatankuasa ADHOC Alumni Universiti Islam Sultan Sharif Ali (UNISSA) dan Unit Perkhidmatan Kaunseling dan Bimbingan Kerjaya, Bahagian Hal Ehwal Pelajar UNISSA telah menganjurkan Bengkel Keusahawanan sebagai salah satu usaha ke arah mengurangkan peratus pengangguran di negara ini.

Bengkel selama empat hari yang berlangsung di Bilik Persidangan Sekolah Perdagangan, Institut Pendidikan Teknik Brunei, Kementerian Pendidikan dan berakhir pada 28 Mei 2015.

Keperluan bidang keusahawanan tidak dapat disangkal dan telah

**Berita dan Foto : Hsian Faridah Ibrahim**

ditandakan oleh Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam semasa betitah pada Istiadat Pembukaan Rasmi Mesyuarat Pertama dari Musim Permesyuaratan Ke-11 Majlis Mesyuarat Negara 2015.

"Satu lagi bidang yang penting untuk diberikan perhatian ialah bidang keusahawanan. Ia mestilah seimbang dalam makna ia tidak boleh diceburi hanya oleh segelintir pihak tertentu sahaja tetapi biarlah ramai, kerana ramai itu menterjemahkan adanya kemajuan. Para usahawan mesti bergerak mengembangkan perniagaan dan industri masing-masing.

Tanpa terhenti setakat tangga pertama sahaja tetapi perlu mendakinya sehingga sampai ke puncak," demikian antara petikan titah baginda semasa merasmikan mesyuarat tersebut.

Oleh yang demikian, bagi menjunjung titah baginda yang amat relevan terutamanya di waktu Negara Brunei Darussalam berhadapan dengan masalah peningkatan pengangguran, Jawatankuasa Ad-Hoc ALUMNI UNISSA bersama Unit Perkhidmatan Kaunseling dan Bimbingan Kerjaya UNISSA telah mengambil inisiatif mengadakan bengkel bidang keusahawanan dengan membawakan tema 'Usahawan Berteraskan Syara'.

## Pesta Pengguna ASEAN bermula 10 - 14 Jun 2015



**TAKLIMAT** mengenai Pesta Pengguna disampaikan oleh Events Management Executive, Laurence Garcia.

**Berita dan Foto : Abu Bakar Haji Abdul Rahman**

**BANDAR SERI BEGAWAN**, Selasa, 26 Mei. - Lebih 400 petak pameran akan disediakan bagi para pengusaha dari dalam dan luar negara sempena Pesta Pengguna ASEAN.

Pesta Pengguna anjuran D'Sunlit

Sendirian Berhad itu akan diadakan pada 10 hingga 14 Jun 2015 di Pusat Persidangan Antarabangsa, Berakas dengan membawa tema 'Meraikan Kepelbagaian (Celebrate Diversity)' dan dibuka untuk kunjungan orang

## 55 pelajar sekolah agama terima sijil



**PEGAWAI** Pengajian Islam Daerah Temburong, Dayang Rosita binti Haji Yaakub menyampaikan sijil kepada penerima Sijil Sekolah-Sekolah Rendah Agama Darjah VI bagi Tahun 1434 Hijrah / 2013 Masihi.

**Berita dan Foto : Hezlinawati Haji Abdul Karim**

**TEMBURONG**, Sabtu, 26 Mei. - Seramai 55 lepasan beberapa buah sekolah agama di daerah ini yang telah lulus peperiksaan Sijil Sekolah-Sekolah Rendah Agama (SSSRU) Darjah VI bagi Tahun 1434 Hijrah / 2013 Masihi menerima sijil masing-masing dalam satu majlis yang diadakan di Dewan Sekolah Persediaan Arab Temburong, di sini.

Penyampaian sijil-sijil disempurnakan oleh Pegawai Pengajian Islam Daerah Temburong, Dayang Rosita binti Haji Yaakub.

Ketika berucap Dayang Rosita menjelaskan Pejabat Pengajian Islam Daerah Temburong sentiasa berusaha ke arah yang diharapkan bagi memastikan pelajar-pelajar Darjah VI akan membawa kejayaan terutama dalam menghadapi peperiksaan SSSRU.

Salah satu usaha yang dilakukan, ujarinya, ialah dengan menubuhkan ahli jawatankuasa Darjah VI melalui Program Thabaqatun Najah yang mana ahli jawatankuasa yang dilantik adalah terdiri daripada guru-guru Darjah VI.

Antara tujuan penubuhan ahli jawatankuasa tersebut, jelasnya, ialah untuk membantu meningkatkan kejayaan peperiksaan SSSRU yang mana dengan pembentukan ahli jawatankuasa ini beliau berharap peratus lulus bagi peperiksaan SSSRU di daerah ini akan meningkat.

Para penerima SSSRU pada majlis ini adalah terdiri daripada Lepasani Sekolah Agama Pengiran Muda Mohamed Bolkhah, Sekolah Agama Puni, Sekolah Agama Negalang, Sekolah Agama Labu Estate dan Sekolah Agama Piasau-Piasau.

Selain sebagai penghargaan kepada murid-murid yang telah berjaya dalam peperiksaan mereka, majlis seumpama itu juga diadakan sebagai dorongan dan motivasi bagi murid-murid lain khususnya murid-murid Darjah VI yang akan menduduki peperiksaan SSSRU tahun ini.